

Na osnovu člana 70. stav (3) tačka d) i člana 71. stav (3) Zakona o visokom obrazovanju ("Sl. novine Tuzlanskog kantona", br. 21/21-prečišćen tekst, 22/21 - autentično tumačenje, 5/22, 11/22 i 16/22) i člana 132. stav (1) i (2) Statuta JU Univerzitet u Tuzli (Prečišćeni tekst) te Odluka naučno-nastavnih vijeća: Edukacijsko-rehabilitacijskog fakulteta broj: 02/2-4649-1.2/24 od 05.09.2024. godine, Fakulteta elektrotehnike broj: 02/4-1.1.2/24 od 05.09.2024. godine, Fakulteta za tjelesni odgoj i sport broj: 02/11-4377-1.4/24 od 30.08.2024. godine, Farmaceutskog fakulteta broj: 02/13-4549-1-3/24 od 05.09.2024. godine, Prirodno-matematičkog fakulteta broj: 02/12-4607-1-5/24 od 05.09.2024. godine i Rudarsko-geološko-građevinskog fakulteta broj: 02/8-4395-1.4.2/24 od 29.08.2024. godine, raspisuje se

KONKURS **za izbor i imenovanje dekana fakulteta Univerziteta u Tuzli**

I

Raspisuje se Konkurs za izbor i imenovanje dekana:

1. Edukacijsko-rehabilitacijskog fakulteta
2. Fakulteta elektrotehnike
3. Fakulteta za tjelesni odgoj i sport
4. Farmaceutskog fakulteta
5. Prirodno-matematičkog fakulteta
6. Rudarsko-geološko-građevinskog fakulteta.

II

Za dekana Fakulteta može biti izabran kandidat koji ispunjava sljedeće **opće i posebne uslove**.

Opći uslovi su:

- a) da je državljanin BiH,
- b) da je zdravstveno sposoban za obavljanje poslova dekana fakulteta,
- c) da pravosnažnom odlukom suda nije osuđen za krivično djelo ili privredni prijestup, što predstavljaju smetnju za imenovanje na dužnost dekana fakulteta,
- d) da mu pravosnažnom odlukom suda nije izrečena mjera zabrane obavljanja poslova/dužnosti dekana fakulteta,
- e) da se na njega ne odnosi član IX.1. Ustava BiH.

Posebni uslovi su:

- a) da je izabran u naučno-nastavno zvanje redovnog ili vanrednog profesora na Univerzitetu u Tuzli,
- b) da je u radnom odnosu u punom radnom vremenu na Univerzitetu u Tuzli, s tim da najmanje polovinu nastavne norme mora biti angažiran na fakultetu na koji se bira, a na Farmaceutskom i Prirodno-matematičkom fakultetu da će najvećim dijelom izvoditi nastavu na tom fakultetu u skladu sa Standardima i normativima propisanim za dekana,
- c) da aktivno govori najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan fakulteta imenuje se na mandatni period od 4 (četiri) godine.

Kandidat koji tokom trajanja mandata ispunjava uslove za starosnu penziju propisane Zakonom o PIO ne može biti izabran za dekana fakulteta.

III

Uz **prijavu** na Konkurs kandidat je dužan priložiti, u **originalu ili ovjerenoj fotokopiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH, ne starije od 6 (šest) mjeseci,
3. izjavu da pravosnažnom odlukom suda nije osuđen za krivično djelo ili privredni prijestup, što predstavljaju smetnju za imenovanje na dužnost dekana fakulteta, ovjerenu od strane nadležnog organa ili notara,

4. izjavu da mu pravosnažnom odlukom suda nije izrečena mjera zabrane obavljanja poslova/dužnosti dekana fakulteta, ovjerenu od strane nadležnog organa ili notara,
5. izjavu da se na njega ne odnosi član IX.1. Ustava BiH, ovjerenu od strane nadležnog organa ili notara,
6. odluku o izboru u naučno-nastavno zvanje redovnog ili vanrednog profesora na Univerzitetu u Tuzli,
7. uvjerenje da je u radnom odnosu u punom radnom vremenu na Univerzitetu u Tuzli i da je najmanje polovinu nastavne norme angažiran na fakultetu na koji se bira, a na Farmaceutskom i Prirodno-matematičkom fakultetu da će najvećim dijelom izvoditi nastavu na tom fakultetu u skladu sa Standardima i normativima propisanim za dekana,
8. dokaz da aktivno govori najmanje jedan svjetski jezik (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije koja je povezana sa političkom partijom, ovjerenu od strane nadležnog organa ili notara,
10. izjavu da nema privatni finansijski interes na Univerzitetu u Tuzli, ovjerenu od strane nadležnog organa ili notara.

Izjave iz tačke III podtačke 3, 4, 5, 9 i 10 moraju biti ovjerene kod nadležnog općinskog/gradskog organa ili notara, a ostali dokazi iz tačke III moraju biti u originalu ili u fotokopiji ovjerenjima kod nadležnog općinskog/gradskog organa ili notara.

Dokaz o ispunjavanju uslova iz tačke II podtačka b) Općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je naknadno dostaviti samo kandidat koji bude izabran na navedenu funkciju, a prije zaključivanja aneksa ugovora o radu.

IV

Kandidat za dekana Fakulteta dužan je, uz prijavu na Konkurs dostaviti i Program rada i razvoja Fakulteta za mandatni period, u pisanoj i elektronskoj verziji (CD ili USB).

V

Prijava, sa svim potrebnim dokazima, dostavlja se u roku od 15 (petnaest) dana od dana objavljivanja Konkursa u dnevnom listu.

Nepotpune i neblagovremene prijave se neće uzeti u razmatranje.

VI

Informacije o djelokrugu rada dekana fakulteta dostupne su na WEB stranici Univerziteta u Tuzli - www.untz.ba (akti/dokumenti - Statut; Pravilnik o unutrašnjoj organizaciji i sistematizaciji).

VII

Prijava na Konkurs s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte, na adresu: UNIVERZITET U TUZLI - Konkursna komisija - uz naznaku "Prijava na Konkurs za izbor i imenovanje dekana (sa naznakom Fakulteta Univerziteta u Tuzli)", Ul. Dr. Tihomila Markovića broj 1, 75000 Tuzla